

**ՀԱՇՎԵՏՎՈՒԹՅՈՒՆ
ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՎԵՐԱԲԵՐՅԱԼ**

Անուն, ազգանուն, զբաղեցրած պաշտոն՝ Կարեն Անդրեասյան,
Միջազգային իրավական հարցերով ՀՀ ներկայացուցիչ (այսուհետ՝
ներկայացուցիչ)

Գործուղման վայրը և ժամկետները՝

- 1) 2025 թվականի դեկտեմբերի 8-ից 12-ը՝ Մեծ Բրիտանիայի և Հյուսիսային Իռլանդիայի Միացյալ Թագավորություն (Լոնդոն),
- 2) 2025 թվականի դեկտեմբերի 15-ից 18-ը՝ Նիդերլանդների Թագավորություն (Հաագա)։

Գործուղման նպատակը՝

- 1) Լոնդոնում աշխատանքային այցի հիմնական նպատակը եղել է «TRIPP» նախագծի միջպետական պայմանագրային փաթեթի մշակման աշխատանքները «Fieldfisher LLP» իրավաբանական ընկերության հետ իրականացնելը։
- 2) Հաագայում՝ Միջազգային արդարադատության դատարանում քննվող երկու գործերի շրջանակներում ընթացակարգային հարցերի վերաբերյալ դիրքորոշումներ ներկայացնելը։

Հանդիպումները, բարձրացված կամ քննարկված հարցեր՝

- 1) Լոնդոնում աշխատանքային այցի ընթացքում «Fieldfisher LLP» իրավաբանական ընկերության ներկայացուցիչների հետ քննարկվել է «TRIPP» նախագծի իրականացմանը վերաբերող իրավապայմանագրային բնույթի հարցեր, կազմվել են փաստաթղթերի նախագծեր, որոնք փոխանցվել են աշխատանքային կարգով։ Հաշվի առնելով հաշվետվության հասանելիությունը՝ հիշյալ քննարկումների վերաբերյալ լրացուցիչ մանրամասները, ըստ անհրաժեշտության, կտրամադրվեն այլ, այն է՝ սահմանափակ հասանելիության ձևաչափով։
- 2) Հաագայում՝ Արդարադատության միջազգային դատարանում քննվող՝ Ռասայական խտրականության բոլոր ձևերի վերացման մասին կոնվենցիայի շրջանակներում Հայաստանն ընդդեմ Ադրբեջանի և Ադրբեջանն ընդդեմ Հայաստանի գործերի շրջանակներում կողմերի

ներկայացուցիչների միջև քննարկվել և դատարանի հետ համաձայնեցվել են ընթացակարգային բնույթի հարցեր, կողմերի միջև համաձայնություն է ձեռք բերվել գործի քննության հետագա փուլերի և դատավարական գործողությունների իրականացման հետագա ժամկետների վերաբերյալ: Միաժամանակ Միջազգային իրավական հարցերով ներկայացուցչի կողմից լրացուցիչ քննարկումներ են անկացվել ՀՀ շահերը դատարանում ներկայացնող իրավախորհրդատուների թիմի հետ նշված գործերի վերաբերյալ առկա իրավիճակի և հետագա գործողությունների ռազմավարության վերաբերյալ: Հաշվի առնելով հաշվետվության հասանելիությունը՝ նշվածի վերաբերյալ առավել մանրամասն տեղեկությունները, ըստ անհրաժեշտության, կտրամադրվեն այլ, այն է՝ սահմանափակ հասանելիության ձևաչափով:

Կարեն Անդրեասյան՝



Recoverable Signature

X

Ստորագրող
ԿԱՐԵՆ ԱՆԴՐԵԱՍՅԱՆ
2009770196

2025-12-23 18:05:13 GMT+4
Հավաստված է էԼՎԵԴ-ի կողմից



Signed by: ANDREASYAN KAREN 2009770196

23.12.2025թ.